



**КРАТКИЙ  
МОЛИТЕВΟΣЛОВ**



16.10.2018 r.







КРАТКИЙ  
**ЖОАНТВОСЛОВ**



ОБРАЗЪ ПЪТЪМ ТРИЦЪ





«Непрестанно молитесь. За все благодарите: ибо такова от вас воля Божия во Христе Иисусе»

(1 Фес. 5, 17—18).

### МОЛИТВЫ УТРЕННИЕ

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца и Сына и Святаго Духа. Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

#### Молитва мытаря

(Евангелие от Луки, глава 18, стих 13)

Боже, милостив буди мне, грешному. (Поклон).

## Молитва предначинательная

Господи Иисусе Христе, Сыне Божий, мо-  
литв ради Пречистыя Твоея Матере и всех  
святых, помилуй нас. Аминь.

Слава Тебе, Боже наш, слава Тебе.

## Молитва Святому Духу

Царю Небесный, Утешителю, Душе истины,  
Иже везде сый и вся исполняяй, Сокровище  
благих и жизни Подателю, прииди и вселися  
в ны, и очисти ны, от всякия скверны, и спа-  
си, Блаже, души наша\*.

## Трисвятое

Святой Боже, Святой Крепкий, Святой  
Безсмертный, помилуй нас. (Читается триж-  
ды, с крестным знамением и поясным покло-  
ном).

Слава Отцу и Сыну и Святому Духу, и ны-  
не, и присно, и во веки веков. Аминь.

---

Примечание. Названия молитв и пояснения не читают-  
ся во время молитвы.

\* От Пасхи до Вознесения вместо этой молитвы чи-  
тается тропарь: «Христос воскрес из мертвых, смер-  
тную смерть поправ, и сущим во гробех живот даро-  
вав» (Трижды) От Вознесения до Троицы молитва  
Святому Духу опускается.

Это замечание относится и к молитвам на сон гря-  
дущим.



## Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй (трижды) Слава, и ныне\*\*.

## Молитва Господия

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим; и не введи нас во искушение, но избави нас от лукавого.

## Тропари Троичные

Воставше от сна, припадаем Ти, Блаже, и Ангельскую песнь воием Ти, Сильные: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устие мои отверзи, во еже пети Тя, Святая Троице:

---

\*\* Когда написано «Слава» «И ныне», надо читать полностью: «Слава Отцу и Сыну и Святому Духу» «И ныне и присно и во веки веков. Аминь».

Свят, Свят, Свят еси, Боже, Богородицею помилуй нас.

И ныне: Виезапио Судия приидет, и коегождо деяния обиажатся, но страхом зовем в полуиощи: Свят, Свят, Свят еси, Боже, Богородицею помилуй нас.

Господи, помилуй. (12)

### Молитва ко Пресвятой Троице

От сна востав, благодарю Тя, Святая Троице, яко многия ради Твоея благодости и долготерпения не прогневался еси на мя, лениваго и грешнаго, ниже погубил мя еси со беззаконными моими; но человеколюбствовал еси обычно и в нечаянии дежащаго воздвигл мя еси, во еже утревати и славословити державу Твою. И ныне просвети мои очи мысленины, отрезви моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечием, и воспевати всесвятое имя Твое, Отца и Сына и Святаго Духа, ныне и присно, и во веки веков. Аминь.

Приидите, поклонимся Царевн нашему Богу, (поклон)

Приидите, поклонимся и припадем Христу, Царевн нашему Богу (поклон).

Приидите, поклонимся и припадем Самому Христу, Царевн и Богу нашему. (поклон)

## Псалом 50

Помилуй мя; Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя: яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо в беззакониях зачат есмь, и во гресех роди мя мати моя. Се бо истину возлюбил еси: безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселie; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне. Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычиим утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устие мое отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно

Бог не уничижит. Ублажи, Господи, благоволением Твоим Сиона, и да созиждутся ступы Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

### **Символ веры**

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога Истинна от Бога Истинна, рожденна, несотворенна, Единосущна Отцу, Имже вся быша. Нас ради человек и нашего ради спасения сшедшаго с Небес и воплотившагося от Духа Свята и Марии Девы, и вочеловечшася. Распятаго же за ны при Понтистем Пилате, и страдавша, и погребенна. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во Едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

## **Молитва 1-я, святого Макария Великого**

Боже, очисти мя, грешнаго, яко николиже сотворих благое пред Тобою; но избави мя от лукаваго, и да будет во мие воля Твоя, да неосуждению отверзу уста моя недостойная и восхваляю имя Твое святое Отца и Сына и Святаго Духа, ныне и присно, и во веки веков. Аминь.

## **Молитва 2-я, того же святого**

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распиныйся волею, и лежащаго мя в лениости ускорив возстави, и спаси мя в предстоянии и молитве, и по сие иощием возсияй ми день безгрешен, Христе Боже, и спаси мя.

## **Молитва 3-я, того же святого**

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промыслениик и Податель, о Тебе же все упование мое, и Тебе

славу возсылаю, ныне и присно, и во веки веков. Аминь.

#### **Молитва 4-я, того же святого**

Господи, Иже многою Твоею благодатию и великимн щедротамн Твоимн дал еси мне, рабу Твоему, мномошедшее время нощи сея без напасти преити от всякаго зла противна; Ты Сам, Владыко, всяческих Творче, сподоби мя, истинным Твоим светом и просвещенным сердцем творити волю Твою, ныне и присно, и во веки веков. Аминь.

#### **Молитва 5-я, святого Василия Великого**

Господи Вседержителю, Боже сил и всякия плотн, в вышних живый и на смиренныя призираяй, сердца же и утробы испытуй и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам Безсмертный Царю, прими моления наша, яже в настоящее время, на множество Твоих щедрот держающе, от скверных к Тебе устен творим, и остави нам прегрешения наша, яже делом, и словом, и мыслию, веденнем, или неведеннем согрешенная намн. И очисти ны от всякия скверны плотн и духа. И даруй нам бодренным сердцем и трезвенною мыслию всю настоящего жития ношь преити, ожи-

дающим пришествия светлаго и явленного дие Единороднаго Твоего Сына, Господа и Бога и Спаса нашего Иисуса Христа, в онъже со славою Судия всех придет, комуждо одати по делом его; да не падше и обленившеся, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный и неизреченная сладость зрящих Твоего лица доброту неизреченную. Ты бо еси истинный Свет, просвещающий и освещающий всяческая, и Тя поет вся тварь во веки веков. Аминь.

#### Молитва 6-я. того же святого

Тя благословим, Вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сопо упокоение немощи нашея и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в печаянии лежащия ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лениости возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех,

и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно, и во веки веков. Аминь.

### **Молитва 7-я, к Ангелу Хранителю**

Святый Ангеле, предстояй окаянной моей души и страстной моей жизни, не остави мене, грешного, ниже отступи от мене за невоздержание мое. Не даждь места лукавому демону обладати мною, насильством смертного сего телесе; укрепи бедствующую и худую мою руку и настави мя на путь спасения. Ей, святой Ангеле Божий, хранителю и покровителю окаянных моя души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем, и достойна покажет мя раба Своея благодати. Аминь.

### **Молитва 8-я, ко Пресвятой Богородице**

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего, уныние, забвение, неразумие, нерадение,



и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и неприятий, от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

### **Молитвенное призывание святого, имя которого носишь**

Моли Бога о мне, святой угодниче Божий (имя), яко аз усердно к тебе прибегаю, скорому помощнику и молитвеннику о душе моей.

### **Песнь Пресвятой Богородице**

Богородице Дево, радуйся, Благодатная Марие, Господь с Тобою. Благословена Ты в женах, и Благословен Плод чрева Твоего, яко Спаса родила еси душ наших.

### **Тропарь Кресту и молитва за Отечество**

Спаси, Господи, люди Твоя, и благослови достояние Твое, победы на сопротивных даруя, и Твое сохраняя Крестом Твоим жительство.

## Молитва о живых

Спаси, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена) и всех православных христиан.

## Молитва о усопших

Упокой, Господи, души усопших раб Твоих: родителей моих, сродников, благодетелей (имена), и всех православных христиан, и прости им вся согрешения вольная и невольная, и даруй им Царствие Небесное.

## Окончание молитв

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Слава, и ныне: Господи, помилуй. (Трижды)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.



## ЧАСЫ ПАСХАЛЬНЫЕ

Христос воскресе из мертвых, смертию смерть поправ и сущим во гробех живот даровав. (Трижды)

Воскресение Христово видевше, поклонимся Святому Господу Иисусу, Единому Безгрешному. Кресту Твоему поклоняемся, Христе, и Святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся Святому Христову Воскресению; се бо прииде Крестом радость всему миру; всегда благословяще Господа, поем Воскресение Его, распятие бо претерпев, смертию смерть разруши. (Трижды)

Предварившия утро яже о Марии и обретшия камень отвален от гроба слышаху от Ангела: во свете присносущнем Сущаго с мертвыми что ищете, яко человека? Видите гробныя пелены: тецете и миру проповедите, яко воста Господь, умертвивый смерть, яко есть Сын Бога, спасающего род человеческий.

Аще и во гроб снизшел еси, Безсмертне, но адову разрушил еси силу и воскресл еси,

яко Победитель, Христе Боже, женам мироносицам вещавый: Радуйтесь! и Твоим апостолам мир даруй, падшим подай воскресение.

Во гробе плотски, во аде же с душою, яко Бог, в раи же с разбойником, и на Престоле был еси, Христе, со Отцем и Духом, вся исполняяй, неописанный.

Слава: Яко Живоносец, яко рая краснейший, воистину и чертога всякаго царскаго показася светлейший, Христе, гроб Твой, источник нашего воскресения.

И ныне: Вышняго освященное Божественное селение, радуйся. Тобою бо дадеся радость, Богородице, зовущим: благословенна Ты в женах еси, Всенепорочная Владычице.

Господи, помилуй (40) Слава, и ныне:

Честнейшую Херувим...

Христос воскрес... (Трижды)



---

• Пасхальные часы читаются в пасхальную седмицу вместо утренних и вечерних молитв.



## **МОЛИТВЫ В ПРОДОЛЖЕНИЕ ДНЯ**

### **Молитва Иисусова**

Господи Иисусе Христе, Сыне Божий, помилуй мя, грешнаго.

### **Молитва перед вкушением пищи**

«Отче наш» или:

Очи всех на Тя, Господи, уповают, и Ты даеши им пищу во благовремени, отвержаеши Ты щедрую руку Твою и исполняеши всякое животно благоволения.

### **Молитва после вкушения пищи**

Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко по-

среде учеников Твоих пришел еси, Спасе, мир  
дай им, прииди к нам и спаси нас.

### Молитва идущего во храм

Возвеселихся о рекших мне: в дом Господень пойдем. Аз же множеством милости Твоея, Господи, вииду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой; да без преткновения прославлю Единого Божество, Отца и Сына и Святого Духа, ныне и присно, и во веки веков. Аминь.

### Призывание помощи Божией во всяком добром деле

«Царю Небесный» или

Господи Иисусе Христе, Единородный Сыне Безначального Отца! Ты рекл еси пречистыми Твоими усты, яко без Мене не можете творити ничесоже. Сего ради припадая к Твоей благодати, просим и молим Тя: рабом Твоим (имена) и всем zde предстоящим и молящимся Тебе, помози во всех благих их делах, начинаниях и намерениях. Яко Твоя держава, царство и сила, от Тебе помощь вси приемлем, на Тя уповаем и Тебе славу возсылаем, со Отцем и Святым Духом, ныне и присно, и во веки веков. Аминь

**Во время бедствия и при нападении врагов**  
**Псалом 90**

Живый в помощи Вышняго, в крове Бога  
Небеснаго водворится, речет Господеви: Заступник мой еси и Прибежище мое, Бог мой,  
и уповаю на Него. Яко Той избавит тя от се-  
ти ловчи и от словесе мятежна; плещма Свои-  
ма осенит тя, и под криле Его надеешися;  
оружием обыдет тя истина Его. Не убоишься  
от страха пощнаго, от стрелы летящая во  
дни, от вещи, во тьме преходящая, от сряща  
и беса полуденнаго. Падет от страны твоея  
тысяща и тма одесную тебе, к тебе же не  
приблизится. Обаче очима твоима смотриши  
и воздаяние грешников узриши. Яко Ты, Гос-  
поди, упование мое, Вышняго положил еси  
прибежище твое. Не придет к тебе зло, и  
рана не приблизится телеси твоему; яко Ангелом Своим заповесть о тебе, сохранити тя  
во всех путех твоих. На руках возмут тя, да  
некогда приткнеши о камень ногу твою; на  
аспида и василиска наступиши и попереши  
льва и змия. Яко на Мя упова, и избавлю и,  
покрыю и, яко позна имя Мое. Воззовет ко  
Мне, и услышу его, с ним есмь в скорби, из-  
му его и прославлю его; долготою дний ис-  
полню его и явлю ему спасение Мое.

## О путешествующих

Господи Иисусе Христе Боже наш, истинный и живой путь, состраствуй мнимому Твоему отцу Иосифу и Пречистой Ти Деве Матери, во Египет изволивый, и Луце и Клеопе во Еммаус спутешествовавый! И ныне смиренно молим Тя, Владыко Пресвятый, и рабом Твоим сим Твоею благодатию спутешествуй. И якоже рабу Твоему Товии, Ангела Хранителя и наставника послѣ, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно, и здраво препровождающа, и паки цело и безмятежно возвращающа: и даждь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно, и во веки веков. Аминь.

## О болящих

Владыко Вседержителю, Святый Царю, наказуяй и не умерщвляяй, утверждаяй низпадающия и возводяй низверженныя, телесныя человеков скорби исправляяй, молимся Тебе, Боже наш, раба Твоего (имя) немощствующа



посети милостию Твоею, прости ему всякое согрешение вольное и невольное. Ей, Господи, врачебную Твою силу с Небесе низпосли, прикоснися телеси, угаси огневицу, укроти страсть и всякую немощь таящуюся, буди врач раба Твоего (имя), воздвигни его от одра болезненнаго и от ложа озлобления цела и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

### **Молитва на вхождение в новый дом**

Боже Спасителю наш, изволивый под сень Закхееву внити, и спасение тому и всему дому того бывый, Сам и ныне zde жити восхотевший и нами, недостойными, мольбы Тебе и моления приносящая от всякаго вреда соблюди невредимы, благословляя тех zde жилище, и ненаветен тех живот сохраняяй. Аминь.

### **Молитва на освящение всякой вещи**

Создателю и Содетелю человеческого рода, Дателю благодати духовныя, Подателю вечнаго спасения, Сам, Господи, посли Духа Твоего Святаго с вышним благословением на вещь сию, яко да вооружена силою небес-

наго заступления хотящим ю употребляти, помощна будет к телесному спасению и заступлению, и помощи, о Христе Иисусе Господе нашем. Аминь.

И кропят вещь святою водою трижды.

### **Молитва от осквернения, святого Василия Великого**

Многომилостиве, нетление, нескверие, безгрешие Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со иже всеми беззаконии моими, и яви мя нескверна, Владыко, за благодать Христа Твоего, и освяти мя ишеством Пресвятаго Твоего Духа; яко да возбнув от мглы нечистых привидений диавольских и всякия скверны, сподоблюся чистою совестию отверсти скверная моя и нечистая уста и воспевати всесвятое имя Твое, Отца и Сына и Святаго Духа, ныне и присно, и во веки веков. Аминь.

### **Молитва пред началом учения**

Царю Небесный, Утешителю, Душе истинны, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

## **Молитва по окончании учения**

Достойно есть яко воистинну блажити Тя, Богородицу, Присноблаженную и Пренепорочную и Матерь Бога, нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

## **Молитва на умиротворение враждующих (об умножении любви)**

Владыко Человеколюбче, Царю веков и Подателю благих, разрушивший вражды средостения и мир подавший роду человеческому, даруй и ныне мир рабом твоим; вкорени в них страх Твой и друг ко другу любовь утверди; угаси всяку распрю, отыми вся разгласия соблазны. Яко Ты еси мир наш, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

## **Молитва о получении прощения (благодарственная)**

Господи Иисусе Христе, Боже наш, Боже всякого милосердия и щедрот, Его же милость безмерна и человеколюбия неизследимая пучина; ко Твоему Величеству припадающе, со страхом и трепетом яко раби недостойнии благодарение Твоему благоутробию о

Твоих благодеев на рабах Твоих бывших, и ныне смиренно приносяще, яко Господа, Владыку и Благодетеля славим, хвалим, поем и величаем, и припадающе паки благодарим, Твое безмерное и неизреченное милосердие смиренно моляще. Да якоже ныне моления рабов Твоих прияти и милостивно исполнити сподобил еси и во предиях в Твоей и искренного любви и во всех добродетелях преспевающих, Твоя благодеения всех верных Твоих получитьи. Церковь Твою святую и град сей (или весь сию) от всякаго злаго обстояния избавляя, и мир и безмятежие тем даруя, Тебе со Безначальным Твоим Отцем, и Пресвятым и Благим и Единосущим Твоим Духом, во Едином Существе славимому Богу, всегда благодарение приносить и преблагая глаголати, и воспевати сподобиши. Слава Тебе Богу, Благодателю нашему, во веки веков. Аминь.





## МОЛИТВЫ НА СОН ГРЯДУЩИМ

Во имя Отца и Сына и Святаго Духа.  
Аминь.

Господи Иисусе Христе, Сыне Божий, мо-  
литв ради Пречистыя Твоея Матере, препо-  
добных богоносных отец наших и всех свя-  
тых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе исти-  
ны, Иже везде сый и вся исполняяй, Сокрови-  
ще благих и жизни Подателю, прииди и все-  
лися в ны, и очисти ны от всякия скверны, и  
спаси, Блаже, души наша.

Святой Боже, Святой Крепкий, Святой  
Безсмертный, помилуй нас. (Трижды).

Слава Отцу и Сыну и Святому Духу, и  
ныне, и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды). Слава и ныне: Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукавого.

### Тропарн.

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыце, грешнии приносим; помилуй нас.

Слава: Господи, помилуй нас, и Тя бо уповахом; не прогневайся на ны зело, ниже помяни беззаконий наших, но призри и ныне, яко Благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, Благословенная Богородице, надеющихся на Тя да не погибнем, но да избавимся Тобою от бед: Ты бо еси Спасение рода христианскаго.

Господи, помилуй. (12).

## **Молитва 1-я, святого Макария Великого, к Богу Отцу**

Боже Вечный и Царю всякаго создания, сподобивый мя даже в час сей dospeti, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в ющи сей сон прейти в мире, да востав от смиренного ми ложа, благоугожу пресвятому имени Твоему, во вся дни живота моего, и поперу борющих мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых, Яко Твое есть Царство и сила и слава, Отца и Сына и Святаго Духа, ныне и присно, и во веки веков. Аминь.

## **Молитва 2-я, святого Антиоха, ко Господу нашему Иисусу Христу**

Вседержителю, Слово Отчее, Сам совершен сый, Иисусе Христе, многога ради милосердия Твоего никогдаже отлучайся мене, раба Твоего, но всегда во мне почивай. Иисусс, Добрый Пастырю Твоих овец, не предаждь мне кромеле змине и желанию сатанину не остави мене, яко семя тли во мне есть. Ты убо, Господи Боже покланяемый, Царю Святыи, Иисусе Христе, спяща мя сохрани не-

мерцающим светом, Духом Твоим Святым, Имже освятил еси Твоя ученики. Дажь, Господи, и мне, недостойному рабу Твоему, спасение Твое на ложи моем; просвети ум мой светом разума святаго Евангелия Твоего, душу любовью Креста Твоего, сердце чистотою словесе Твоего, тело мое Твоею страстию безстрастною, мысль мою Твоим смирением сохрани и воздвигни мя во время, подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

### Молитва 3-я, ко Пресвятому Духу

Господи, Царю Небесный, Утешителю, Душе истины, умиласердися и помилуй мя, грешнаго раба Твоего, и отпусти ми, недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся или похулих е в помышлении моем; или кого укорих, или оклеветах кого гневом моим, или опечалих, или о чем прогневахся; или солгах, или безгодно спях, или нищ прииде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на мо-



литве, ум мой о лукавствии мира сего подви-  
жеся, или развращение помыслих; или объа-  
дохся или опихся; или без ума смеяхся; или  
лукавое помыслих, или доброту чуждую ви-  
дев, и тою уязвлен бых сердцем, или неподоб-  
ная глаголах, или греху брата моего посме-  
яхся, моя же суть безчисленная согрешения;  
или о молитве не радих, или ино что содеях  
лукавое, не помню, та бо вся и больша сих  
содеях. Помилуй мя, Творче мой Владыко,  
унылаго и недостойнаго раба Твоего, и оста-  
ви ми, и отпусти, и прости мя, яко Благ и  
Человеколюбец, да с миром лягу, усну и по-  
чию, блудный, грешный и окаянный аз, и по-  
клонюся и воспою, и прославлю пречестное  
имя Твое, со Отцем и Единородным Его Сы-  
ном, ныне и присно, и во веки. Аминь.

#### Молитва 4-я, святого Макария Великого

Что Ти принесу или что Ти воздам, Вели-  
кодаровитый Безсмертный Царю, Щедре и  
Человеколюбче Господи, яко леиящая мене  
на Твое угодение и ничтоже благо сотворша  
привел еси на конец мимошедшаго дие сего,  
обращение и спасение души моей строя? Ми-  
лостив ми буди, грешному и обнаженному вся-  
каго дела блага, возстави падшую мою душу,  
осквернившуюся в безмерных согрешениях,  
и отыми от мене весь помысл лукавый види-  
маго сего жития. Прости моя согрешения,

Едине Безгрешие, яже Ти согреших в сей день, ведением и неведением, словом и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью и неизреченным человеколюбием, и силою. Очисти, Боже, очисти множество грехов моих. Благоволи, Господи, избави мя от сети лукавого и спаси страстную мою душу, и осени мя светом лица Твоего, егда приидеши во славе, и осужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжеми от мене, и просвети ми разумныя очи сердечныя, да не усну в смерть. И посли ми Ангела мирна, хранителя и наставника души и телу моему, да избавит мя от враг моих; да, встав со одра моего, принесу Ти благодарственные мольбы. Ей, Господи, услыши мя, грешнаго и убогаго раба Твоего, изволением и совестью; даруй ми воставшу словесем Твоим поучитися, и уныние бесовское далече от мене отгнаю быти сотвори Твоими Ангелы; да благословлю имя Твое святое и прославлю, и славлю Пречистую Богородицу Марию, Юже дал еси нам, грешным, Заступление, и прими Сию молящуюся за ны; вем бо, яко подражает Твое человеколюбие, и молящися не престаёт Тоя заступлением, и Честнаго Креста знамением, и всех святых Твоих ради, убогую душу мою соблюди, Иисусе Христе

Боже наш, яко Свят еси и Препрославлен во веки. Аминь.

### Молитва 5-я

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сои и безмятежен даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси Хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

### Молитва 6-я

Господи Боже наш, в Негоже веровахом и Егоже имя паче всякаго имени призываем, даждь нам, ко сну отходящим, ослабу души и телу и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Дажь нам целомудрение пожити дела и словеса, да добродетельное жителство восприемлюще, обетованных не отпадем благих Твоих, яко благословен еси во веки. Аминь.

**Молитва 7-я, святого Иоанна Златоуста**  
(24 молитвы, по числу часов дня и ночи)

Господи, не лиши мене Небесных Твоих

благ. Господи, избави мя вечных мук. Господи, умом ли или помышлением, словом или делом согреших, прости мя. Господи, избави мя всякаго неведения и забвения, и малодушия, и окаменеинаго нечувствия.

Господи, избави мя от всякаго искушения. Господи, просвети мое сердце, еже помрачи лукавое похотение. Господи, аз яко человек согреших, Ты же яко Бог щедр, помилуй мя, видя немощь души моя. Господи, послѣ благодать Твою в помощь мие, да прославлю имя Твое святое. Господи Иисусе Христе, напиши мя, раба Твоего, в книзе животней и даруй ми конец благий. Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. Господи, окропи в сердце моем росу благодати Твоея. Господи небесе и земли, помяни мя, грешнаго раба Твоего, студнаго и нечистаго, во Царствии Твоем. Аминь.

Господи, в покаянии приими мя. Господи, не остави мене. Господи, не введи мене в пасть. Господи, даждь ми мысль благу. Господи, даждь ми слезы, и память смертнѣю, и умиление. Господи, даждь ми помысл исповѣданія грехов моих. Господи, даждь ми смирение, целомудрие и послушание. Господи, даждь ми терпение, великодушїе и кротость. Господи, всели в мя корень благих, страх Твой в сердце мое. Господи, сподоби мя любити Тя от всея души моя и помышления и

творити во всем волю Твою. Господи, покрый  
меня от человек некоторых, и бесов, и страстей,  
и от всякия ния неподобныя вещи. Господи,  
весн, яко твориши, якоже Ты волиши, да бу-  
дет воля Твоя и во мие, грешнем, яко благос-  
ловен еси во век. Аминь.

### Молитва 8-я

ко Господу нашему Иисусу Христу

Господи Иисусе Христе, Сыне Божий, ради  
Честнейшия Матере Твоея, и безплотных  
Твоих Ангел, Пророка же и Предтечи и Крес-  
тителя Твоего, богоглаголивых же апостол,  
светлых и добропобедных мученик, препо-  
добных и богоносных отец и всех святых мо-  
литвам, избави мя настоящего обстояния  
бесовскаго. Ей, Господи мой и Творче, не хо-  
тяй смерти, грешнаго, но якоже обратитися и  
живу быти ему даждь и мие обращение окаян-  
ному и недостойному; изми мя от уст пагуб-  
наго змия, зияющаго пожрети мя и свести во  
ад жива. Ей, Господи мой, Утешение мое, Иже  
мене ради окаяннаго в тлениую плоть обол-  
кнйся, исторгни мя от окаянства, и утешение  
подаждь души моей окайней. Всади в серд-  
це мое творити Твоя повеления, и оставити  
лукавая деяния, и получити блаженства Твоя;  
на Тя бо, Господи, уповах, спаси мя.

## **Молитва 9-я, ко Пресвятой Богородице, Петра Студийского**

К Тебе, Пречистей Божией Матери, аз, окаянный, припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не уже ли Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попушай, Пречистая, воли моей совершиться, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

## **Молитва 10-я, ко Пресвятой Богородице**

Благого Царя Благая Мати, Пречистая и Благословенная Богородице Марие, милость

Сына Твоего и Бога нашего излей на страстную мою душу и Твоими молитвами настави меня на деяния благая, да прочее время живота моего без порока прейду и Тобою рай да обрещу, Богородице Дево, Едина Чистая и Благословенная.

### **Молитва 11-я, ко святому Ангелу хранителю**

Ангеле Христов, хранителю мой святыи и покровителю душ и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя, грешнаго и недостойнаго раба, яко да достоин мя покажешн благости и милости Всесвятыя Троицы и Матере Господа моего Иисуса Христа и всех святых. Аминь.

### **Кондак Пресвятой Богородице**

Взбранной Воеводе победительная, яко избавльшеся от злых, благодарственная восписуем Ти раби Твоя, Богородице, но яко нмущая державу непобедимую, от всяких нас бед свободи, да зовем Ти: радуйся, Невесто Невестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богороднице Дево, не презри мене, грешнаго, требующа Твоея помощи и Твоего заступления, на Тя бо упова душа моя, и помилуй мя.

### Молитва святого Иоаннкия

Упование мое Отец, прибежище мое Сын, покров мой Дух Святой: Тронце Святая, слава Тебе.

Достойно есть яко востинну блажити Тя, Богородицу, Пресноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Слава и ныне: Господи, помилуй. (Трижды).

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.





## Молитва святого Иоанна Дамаскина

Владыко Человеколюбче, не уже ли мне одр сей гроб будет или еще окаяниую мою душу просветиши днем? Се ми гроб предлежит, се ми смерть предстоит. Суда Твоего, Господи, боюсь и муки безконечныя, злое же творя не престаю: Тебе, Господа Бога моего, всегда прогневляю, и Пречистую Твою Матерь, и вся Небесныя силы, и святого Ангела хранителя моего. Вем убо, Господи, яко недостойни есмь человеколюбия Твоего, он достоин есмь всякаго осуждения и муки. Но, Господи, или хочу, или не хочу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достоин бо суть милости Твоя. Но на мне, грешнем, удиви милость Твою: о сем яви человеколюбие Твое, да не одолеет моя злоба Твоей неизглаголанней благости и милосердию: и якоже хочеши, устрой о мне вещь.

Просвети очи мои, Христе Боже, да не когда усну в смерть, да не когда речет враг мой: укрепихся на него.

Слава: Заступник души моя буди, Боже, яко посреде хожду сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святейшую, немолчию воспоим сердцем и усты, Богородицу сию исповедающе, яко воистинну рождшую нам Бога Во-

площениа, и молящуюся непрестанно о душах наших.

— Знаменуй себя крестом и говори молитву Честному Кресту:

Да воскреснет Бог и расточатся врази Его, и да бежат от лица Его ненавидящие Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знаменем, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволю, и даровавшаго нам тебе, Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

— Или кратко:

Огради мя, Господи, силою Честнаго и Животворящаго Твоего Креста, и сохрани мя от всякаго зла.

### Молитва

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

## Молитва

Неиавидящих и обидящих нас прости, Господи Человеколюбче. Благотворящим благоотвори. Братиям и сродником нашим даруй яже ко спасению прошения и жизнь вечную. В немощех сущия просети и исцеление даруй. Яже на мори управи. Путешествующим спутешествуй. Служащим и милующим нас грехов оставление даруй. Заповедавших нам, недостойным, молиться о них помилуй по велицей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделающих восвятих Твоих церквах и даждь им яже ко спасению прошения и жизнь вечную. Помяни, Господи, и нас, смиренных, и грешных, и недостойных раб Твоих, и просвети наш ум светом разума Твоего, и иастави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых, яко благословен еси во веки веков. Аминь.

## Исповедание грехов повседневное

Исповедаю Тебе, Господу Богу моему и Творцу, во Святей Троице Единому, Славимому и Покланяемому, Отцу и Сыну и Святому Духу, вся моя грехи, яже содеях во вся дни

живота моего, и на всякий час, и в настоящее время, и в прошедшия дни и ночи, делом, словом, помышлением, объядением, пиянством, тайноядением, праздниословием, унынием, ленинством, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, сквернопробытчеством, мшелоимством, ревинованием, завистию, гиевом, памятозлбием, ненавистию, лихонимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе, Бога моего и Творца, прогневаша и ближияго моего онеправдовах. О сих жалея, вина себе Тебе, Богу моему, представляю, и имею волю каяться: точию, Господи Боже мой, помози ми, со слезами смиренню молю Тя: прешедшая же согрешения моя милосердием Твоим прости ми и разреши от всех сих, яже изглаголах пред Тобою, яко Благ и Человеколюбец.

— Когда отходишь ко сну, произноси:

В руце Твои, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.





Произнесение молитв должно быть неспешным и осмысленным. Святитель Феофан Затворник (1815—1894) советует в свободное время размышлять над содержанием утренних и вечерних молитв; внимательное их чтение приобщает нас к духу подвижников, из сердец которых они излились.

Вдумываясь в каждое слово утренних и вечерних молитв, мы (порой неожиданно для самих себя), убеждаемся, что обращение к Богу словами этих молитв обязывает нас устраивать душевный мир в соответствии с заповедями Евангелия. Если мы вечером просим Бога: «Дажь ми терпение, великодушие и кротость», а на следующий день совершаем поступки, не соответствующие тому, что сказано в этом прошении, то молитва наша станет лишь механическим, рассеянным повторением чужих слов.

Среди житейских забот и трудов не всег-

да каждый христианин может читать полностью утренние и вечерние молитвы. Ясно зная это, близкий к нам по времени великий русский святой — преподобный Серафим Саровский (1759—1833), перед взором которого протекала жизнь людей самого различного общественного и семейного положения, оставил нам краткое, доступное каждому из нас правило именно на такие случаи жизни. Совершать его следует, по возможности, трижды в день.

Правило включает чтение молитвы Господней «Отче наш» (трижды), песни Богородице — «Богородице Дево, радуйся» (трижды) и Символа веры — «Верую...» (один раз). Действительно, эти молитвы и Символ веры являются основанием веры и благочестия христианина. В продолжение дня следует мысленно (или тихо, про себя) читать молитву Иисусову «Господи Иисусе Христе, Сыне Божий, помилуй мя, грешного» или повторять эту молитву в сокращении: «Господи, помилуй». После обеда и до вечера преподобный Серафим советует верующему обращаться к Божией Матери, повторяя, сколько возможно, молитву «Пресвятая Богородице, спаси мя».

Литургическое творчество, составление новых молитв не прекращалось на всем протяжении истории Церкви, не прекращается и теперь. Однако для составления своих молитв нужна духовная зрелость. Есть высокие об-

разцы молитв, как, например, «пяточисленные молитвы» святителя Ростовского Дмитрия (1651—1709); глубоким евангельским духом проникнута молитва Митрополита Московского Филарета (Дроздова) (1782—1867) о полиом предании себя воле Божней.

Из среды русского православного монашества — от оптинских старцев вышла широко известная молитва (обычно включаемая в утреннее правило), содержание которой отвечает повседневному нуждам живущего в миру христианина:

«Господи, дай мне с душевным спокойствием встретить все, что принесет мне наступающий день. Дай мне вполне предаться воле Твоей святой. На всякий час сего дня во всем наставь и поддержи меня. Какие бы я не получал известия в течение дня, научи меня принять их со спокойной душой и твердым убеждением, что на все святая воля Твоя. Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой. Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня молиться, верить, надеяться, терпеть, прощать и любить. Аминь».







**АКАФИСТ  
СЛАДЧАЙШЕМУ ГОСПОДУ НАШЕМУ  
ИИСУСУ ХРИСТУ**

**Кондак 1**

Возбранный Воеводо и Господи, ада победителю, яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя бед свободы, зовуща: Иисусе, Сыне Божий, помилуй мя.

**Икос 1**

Ангелов Творче и Господи сил, отверзи ми недоуменный ум и язык на похвалу пречистаго Твоего имене, якоже глухому и гугнивому древле слух и язык отверзл еси, и глагола-

ше зовый таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, верных укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радости; Иисусе премилостивый, пресвитеров сладосте. Иисусе милосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

## Кондак 2

Видя вдовицу зельне плачущую, Господи, якоже тогда умилосердився, сына ея на погребение несома воскресил еси: сие и о мне умилосердися, Человеколюбче, и грехами умерщвлению мою душу воскреси, зовущую: Аллилуиа.

## Икос 2

Разум неуразуменный разумети Филиппища, Господи, покажи нам Отца, глаголаше; Ты же к нему: толикое время сын со Мною, не познал ли еси, яко Отец во Мне, и Аз во Отце есмь? Темже, Незиследование, со страхом зову Ти: Иисусе, Боже предвечный; Иису-

се, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи моя, Иисусе, отыми беззакония моя; Иисусе, отпусти неправды моя, Иисусе, надежду мою, не остави мене; Иисусе, помощник мой, не отрини мене. Иисусе, Создатель мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

### Кондак 3

Силою свыше апостолы одели, Иисусе, во Иерусалиме сидящая, одея и мене, обнаженного от всякого благодетельства, теплою Духа Святаго Твоего, и даждь ми с любовью пети Тебе: Аллилуиа.

### Икос 3

Имеяй богатство милосердия, мытари и грешники и неверные призвал еси, Иисусе, не презри и мене ныне, подобного им, но яко многоценное миро, прими песнь сию: Иисусе, силе непобедимая; Иисусе, милости безконечная. Иисусе, красото пресветлая; Иисусе, любви неизреченная. Иисусе, Сыне Бога Живаго; Иисусе, помилуй мя грешнаго, Иисусе услыши мя, в беззаконных зачатого; Иисусе, очисти мя, во гресех рожденного, Иисусе, нау-

чи мя непотребиаго; Иисусе, освети мя темнаго. Иисусе, очисти мя сквернаго; Иисусе, возведи мя блуднаго. Иисусе, Сыне Божий, помилуй, мя.

#### Кондак 4

Бурю вниутрь имеяй помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго, и руку спасения получив, рече: Аллилуа.

#### Икос 4

Слыша слепый мимоходяща Тя, Господи, путем, вопиюще: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Иисусе, вышних Создателю; Иисусе, нижних Икупителю, Иисусе, преисподних потребителю; Иисусе, всея твари украсителю. Иисусе, души моя утешителю; Иисусе, ума моего просветителю, Иисусе, сердца моего веселие; Иисусе, тела моего здравие. Иисусе, Спасмой, спаси мя; Иисусе, свете мой, просвети мя, Иисусе, муки всякия избави мя; Иисусе, спаси мя недостойнаго. Иисусе, Сыне Божий, помилуй мя.

## Кондак 5

Боготочною Кровию якоже нскупил еси нас древле от законины клятвы, Иисусе, сице изми нас от сети, еюже змий запят ны страстьми плотскими, и блудным наваждением, и злым унынием, вопиющия Ти: Аллилуна.

## Икос 5

Видевше отроцы еврейстии во образе человечеством Создавшего рукою человека, и Владыку разумеюще Его, потщашася ветвми угодили Ему, осанна вопиюще. Мы же песни приносим Ти, глаголюще: Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорочный. Иисусе, Пастырю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей, Иисусе, надежду в смерти моей; Иисусе, животе по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

## Кондак 6

Проповедник богоносных вещание и глаголы исполняя, Иисусе, на земли явлься и с человеки Невместимый пожил еси, и болезни наша подъял еси, отиюдуже ранами Твоими мы исцелевшие, петн навыкохом: Аллилуна.

## Икос 6

Возсия вселенней просвещение истины Твоя, и отгнася лесь бесовская: идоли бо, Спасе наш, не терпяще Твоя крепости, падоша. Мы же, спасение получивше, вопием Ти: Исусе, истину, лесь отгоняющая; Исусе, свете, превышший всех светлостей: Исусс, Царю, преобладающий всех крепости; Исусе, Боже, пребывающий в милости. Исусе, Хлебе, животный, насыти мя алчущаго; Исусе, источнике разума, напои мя, жаждущаго. Исусе, одежде веселья, одей мя, тленного; Исусе, покрове радости, покрой мя недостойнаго. Исусе, подателю просящим, даждь ми плач за грехи моя; Исусе, обретение ищущим, обрати душу мою. Исусе, отверзателю толкующим, отверзи сердце мое окаянное; Исусе, Искупителю грешных, очисти беззакония моя. Исусе, Сыне Божий, помилуй мя.

## Кондак 7

Хотя сокровенную тайну от века открыти, яко овча на заклание веден был еси, Исусе, и яко агнец прямо стригущаго его безгласен, и яко Бог из мертвых, воскресл еси, и со славою на небеса вознеслся еси, и нас совоздвигл еси, зовущих: Аллилуиа.

## Икос 7

Дивную показа тварь, явлейся Творец нам: без семене от Девы воплотися, из гроба, печати не рушив, воскресе, и ко апостолом, дверем затворенным, с плотию вииде. Темже чудящися, воспоим: Иисусе, Слове необыменный; Иисусе, Слове несоглюдаемый, Иисусе, сило непостижимая; Иисусе, мудросте недоумслимая, Иисусе, Божество неописанное; Иисусе, господство неисчетное. Иисусе, царство непобедимое; Иисусе владычество бесконечное. Иисусе, крепосте высочайшая; Иисусе, власти вечная. Иисусе, Творче мой; ущедримя; Иисусе, Спасе мой, спаси мя. Иисусе, Сыне Божий, помилуй мя.

## Кондак 8

Странию Бога вочеловечшася видяще, устранимся суетнаго мира и ум на Божественная возложим. Сего бо ради Бог на землю сииде, да нас на небеса возведет, вопиющих Ему: Аллилуа.

## Икос 8

Весь бе в нижних, и вышних никакоже отступи Неисчетный, егда волею нас ради пострада, и смертию Своею нашу смерть умертви, и воскресением живот дарова поющим: Иисусе, сладосте сердечная; Иисусе, крепосте телесная. Иисусе, светлосте душевная;

Иисусе, быстро умная, Иисусе, радости известная; Иисусе, надеждо известная. Иисусе, памяти предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

### Кондак 9

Все естество ангельское безпрестанно славит пресвятое имя Твое, Иисусе, на небеси. Свят, Свят, Свят вопиюще; мы же грешнии на земли бранными устами вопием: Аллилуиа.

### Икос 9

Ветня многовещания якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложный и человек совершенный пребываеши? Мы же таинству днвящися, вопнем верно: Иисусе, Боже предвечный; Иисусе, Царю царствующих. Иисусе, Владыко владеющих; Иисусе, Судне живых и мертвых. Иисусе, надеждо не надежных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя: Иисусе, даждь ми память смертную. Иисусе, Сыне Божий, помилуй мя.



## Кондак 10

Спаси хотя мир, Восточе востоком, к темному западу — естеству нашему пришед, смирился еси до смерти; темже превознесися имя Твое паче всякаго имене, и от всех колен небесных и земных слышиши: Аллилуиа.

## Икос 10

Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхея-мытаря, да вопием Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пища крепкая; Иисусе, питье неисчерпаемое. Иисусе, нищих одеяние; Иисусе, вдов заступление. Иисусе, сирых защитниче; Иисусе, труждающихся помощи. Иисусе, страанных наставниче; Иисусе, плавающих кормчий. Иисусе, бурных отишне; Иисусе Боже, воздвигни мя падшаго. Иисусе, Сыне Божий, помилуй мя.

## Кондак 11

Пение всеумиленное прииошу Ти недстойный, вопию Ти яко ханаанеа: Иисусе, помилуй мя; не дщерь бо, но плоть имам, страстьми

люте бесящуюся и яростию палимую, и исцеление даждь вопиюще Ти: Аллилуа.

### Икос 11

Светоподательна светильника сущим во тьме неразумня, прежде гоияй Тя Павел, богоразумнаго гласа силу внуши и душевную быстроту уясни; сице и мене темныя зеницы душевныя просвети, зовуща: Исусе, Царю мой прекрепкий; Исусе, Боже мой пресильный. Исусе, Господи мой пребезсмертный; Исусе, Создателю мой преславный. Исусе, Наставниче мой предобрый; Исусе, Пастырю мой прещедрый, Исусе, Владыко мой премилостивый; Исусе, Спасе мой премилосердый. Исусе, просвети моя чувства, потемненная страстьми; Исусе, исцели мое тело, острупленное грехми. Исусе, очисти мой ум от помыслов суетных; Исусе, сохрани сердце мое от похотей лукавых. Исусе, Сыне Божий, помилуй мя.

### Кондак 12

Благодать подаждь ми, всех долгов решителю, Исусе, и прими мя кающаяся, якоже принял еси Петра, отвергшагося Тебе, и призови мя унивающего, якоже древле Павла, гоняща Тя, и услыши мя, вопиюща Ти: Аллилуа.

## Икос 12

Поюще Твое вочеловечение, восхваляем  
Тя вси, и веруем со Фомою, яко Господь и  
Бог еси, сядяй со Отцем и хотяй судити жи-  
вым и мертвым. Тогда убо сподоби мя десна-  
го стояния, вопиющаго: Иисусе, Царю пред-  
вечный, помилуй мя; Иисусе, цвете благовон-  
ный, облагоухай мя. Иисусе, теплото люби-  
мая, огрей мя; Иисусе, храме предвечный, по-  
крый мя. Иисусе, одеждо светлая, украси мя;  
Иисусе, бисере честный, осняй мя. Иисусе,  
каменю драгий, просвети мя; Иисусе, солище  
правды, освети мя. Иисусе, свете святой, об-  
листай мя; Иисусе, болезни душевныя и те-  
лесныя избави мя. Иисусе, из руки сопротив-  
ныя изми мя; Иисусе, огня негасимаго и про-  
чих вечных мук свободи мя. Иисусе, Сыне  
Божий, помилуй мя.

## Кондак 13

О, пресладкий и всещедрый Иисусе! При-  
ими ныне малое моление сие наше, якоже  
принял еси вдовицы две лепте, и сохрани дос-  
тояние Твое от враг видимых и невидимых,  
от нашествия иноплеменник, от недуга и гла-  
да, от всякия скорби и смертоносныя раины,  
и грядущия изми муки всех, вопиющих Ти:  
Аллилуна.

— Этот кондак читается трижды, затем 1-й  
икос, Ангелов Творче... и 1-й кондак: Воз-  
браний Воеводо...



### Молитва

Владыко Господи Иисусе Христе Боже мой, иже неизречеиного ради Твоего человеколюбия на конец веков во плоть оболкийся от Приснодевы Марии, славлю о мне Твое спасительное промышление, раб Твой, Владыко; песнословлю Тя, яко Тебе ради Отца познах; благословлю Тя, Егоже ради и Дух Святыи в мир прииде; покланяюся Твоей по плоти Пречистой Матери, таковой страшной тайне послужившей; восхваляю Твоя Ангельская ликостояния, яко воспеватели и служители Твоего величества; ублажаю Предтечу Иоанна, Тебе крестившаго, Господи; почитаю и провозвестившия Тя пророки, прославляю апостолы Твоя святые; торжествую же и мученики, священники же Твоя славлю; покланяюся преподобным Твоим, и вся Твоя праведники пестунствую. Таковаго и толикаго многаго и неизречеиного лика Божественнаго в молитву привожу Тебе, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки, аминь.





## **АКАФИСТ ПРЕСВЯТОЙ БОГОРОДИЦЕ**

### **Кондак 1**

Взбранной Воеводе победительная, яко избавльшися от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Невестная.

### **Икос 1**

Ангеле предстатель с небесе послан бысть рещи Богородице: радуйся и со безплотным гласом воплощаема Тя зря, Господи, ужасаешся и стояще, зовый к Ней таковая: Радуйся, Еюже радость возсияет: радуйся, Еюже клятва исчезнет. Радуйся, падшаго Адама

воззвание; радуйся, слез Евиных избавление. Радуйся, высоту неудобовосходимая человеческими помысли; радуйся, глубино неудобозримая и ангельскими очима. Радуйся, яко еси Царево седалище; радуйся, яко носиши Носящего вся, Радуйся, Звезда, являющая Солице; радуйся, утробо Божественнаго воплощения. Радуйся, Еюже обновляется тварь; радуйся, Еюже поклоняемся Творцу. Радуйся, Невесто Невестная.

## Кондак 2

Видящи Святая Себе в чистоте, глаголет Гавриилу дерзостию: преславное твоего гласа неудобоприятельно души моей является: безсеменнаго бо зачатия рождество како глаголеши, зовый: Аллилуиа.

## Икос 2

Разум недоразумеваемый разумети Дева ищущи, возопи к служащему из боку чисту, Сыну како есть родитися мощио, рцы Ми? К Нейже он рече со страхом, обаче зовый сице: Радуйся, совета неизречениаго Таиннице; радуйся, молчания просящих веро. Радуйся, чудес Христовых начало; радуйся, велений Его главизно. Радуйся, лестнице небесная, Еюже сниде Бог; радуйся, мосте, преводяй сущих от земли на небо. Радуйся, Ангелов многослову-

щее чудо; радуйся, бесов многоплачевное поражение. Радуйся, Свет неизречению родившая; радуйся, еже како, ни единого же научившая. Радуйся, премудрых превосходящая разум; радуйся, верных озаряющая смыслы. Радуйся, Невесто Невестная.

### Кондак 3

Сила Вышняго осеи тогда к зачатию Бракоиеискусную, и благоплодная Тоя ложесна, яко село показа сладкое, всем хотящим жати спасение, виегда пети сице: Аллилуиа.

### Икос 3

Имущи Богоприятную Деву утробу, восточе во Елисавети: младенец же оная абие познав Сея целование, радовашеся, и играиymi яко песньми вопияше к Богородице: Радуйся, отрасли неувядаемая розго; радуйся, Плода безсмертнаго стяжение. Радуйся, Делателя делающая Человеколюбца; радуйся, Садителя жизни нашея рождшая. Радуйся, ниво растящая гобзование щедрот; радуйся, трапезо,носящая обилие очищения. Радуйся, яко рай пищный процветаеши; радуйся, яко пристаище душам готовиши. Радуйся, приятное молитвы кадило; радуйся, всего мира очищение. Радуйся, Божие к смертным благоволение; радуйся, смертных к Богу дерзновение. Радуйся, Невесто Неизвестная.



## Кондак 4

Бурю внутри имея помышлений сумнительных, целомудренный Иосиф смятается, к Тебе зря небрачней, и бракоокрадованную помышляя, Непорочная; уведев же Твое зачатие от Духа Свята, рече: Аллилуна.

## Икос 4

Слышаша пастырие Ангелов поющих плотское Христово пришествие, и текше яко к Пастырю видят Сего яко агнца непорочна, во чреве Маринне упасшася, Юже поюще реша: Радуйся, Агнца и Пастыря Мати; радуйся, дворе словесных овец. Радуйся, невидимых врагов мучение; радуйся, райских дверей отвержение. Радуйся, яко небесная срадуются земным; радуйся, яко земная сличествуют небесным. Радуйся, апостолов немолчная уста; радуйся, страстотерпцев непобедимая дерзосте. Радуйся, твердое веры утверждение; радуйся, светлое благодати познание. Радуйся, Юже обнажися ад; радуйся, Юже облекохомся славою. Радуйся, Невесто Невестная.

## Кондак 5

Боготечную звезду узревше во лви, тоя последоваша зарю, и яко светильник держащую, тою испытаху крепкаго Царя, и достигше Не-

постижимаго, возрадовашася, Ему вопиюще:  
Аллилуа.

### Икос 5

Видеша отроцы халдейстии на руку Девичу  
Создавшего рукама человеки, и Владыку ра-  
зумевающе Его, аще и рабий прият зрак, по-  
тщашася дарми послужити Ему, и возопити  
Благословенней: Радуйся, Звезды незаходимыя  
Мати; радуйся, заре таинственного дне. Ра-  
дуйся, прелести пещь угасившая; радуйся,  
Троицы таинники просвещающая. Радуйся,  
мучителя безчеловечнаго изметающая от на-  
чальства; радуйся Господа Человеколюбца по-  
казавшая Христа. Радуйся, варварскаго из-  
бавляющая служения; радуйся, тимения изы-  
мающая дел. Радуйся, огня поколение угасив-  
шая; радуйся, пламене страстей изменяющая.  
Радуйся, верных наставнице целомудрия; ра-  
дуйся, всех родов веселие. Радуйся, Невесто  
Неневестная.

### Кондак 6

Проповедницы богоснии бывшие волсви,  
возратившася в Вавилон, скончавше Твое  
пророчество, и проповедавшие Тя Христа всем,  
оставиша Ирода яко буесловна, не ведуща  
пети: Аллилуа.

## Икос 6

Возсиявый во Египте просвещение истины, отгнал еси лжи тьму: идоли бо его, Спасе, не терпяще Твоя крепости, падоша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесь обличившая. Радуйся, море, потопившее фараона мысленного; радуйся, камению, напоивший жаждущия жизни. Радуйся, огненный столпе, наставляяй сущия во тьме; радуйся, покрове миру, ширший облака. Радуйся, пище, мании приемнице; радуйся, сладости святых служительнице. Радуйся, земле обетования; радуйся, из неяже течет мед и млеко. Радуйся, Невесто Невестная.

## Кондак 7

Хотящу Симеону от нынешняго века представитися прелестнаго, вдался еси яко младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

## Икос 7

Новую показа тварь, явлься Зиждитель нам от Него бывшим, из безсемянна прозяб

утробы, и сохранив Ю, якоже бе, нетленну, да чудо видяще, воспоем Ю, вопиюще: Радуйся, цвете нетления; радуйся, венче воздержания. Радуйся, воскресения образ облистаящая; радуйся, ангельское житие являющая. Радуйся, древо светлоплодовитое, от негоже питаются вернии; радуйся, древо благосеннолиственное, имже покрываются мнози. Радуйся, во чреве носящая Избавителя пленным; радуйся, родшая Наставника заблудшим. Радуйся, Судии праведнаго умоление; радуйся, многих согрешений прощение. Радуйся, одеждо нагих дерзновение; радуйся, любы, всякое желание побеждающая. Радуйся, Невесто Невестная.

### Кондак 8

Странное рождество видевше, устранимся мира, ум на небеса предложше: сего бо ради высокий Бог на земли явился смиренный человек, хотяй привлеци к высоте. Тому вопиющая: Аллилуиа.

### Икос 8

Весь бе в нижних и вышних никакоже отступи неописанное Слово: снисхождение бо Божественное, не прехождение же местное бысть, и рождество от Девы Богоприятная, слышания сия: Радуйся, Бога невместимаго

вместилище; радуйся, честного таинства двери. Радуйся, неверных сумнительное слушание; радуйся, верных известная похвало. Радуйся, колеснице пресвятая Сущаго на Херувимех; радуйся, селение преславное Сущаго на Серафимех. Радуйся, противная в тожде собравшая; радуйся, девство и рождество сочетавшая. Радуйся, Еюже разрешился преступление; радуйся, Еюже отверзся рай. Радуйся, ключу Царствия Христова; радуйся, надеждо благ вечных. Радуйся, Невесто Невестная.

### Кондак 9

Всякое естество ангельское удивися великому Твоего вочеловечения делу: неприступного бо яко Бога, зряще всем приступного Человека, нам убо спребывающа, слышаща же от всех: Аллилуиа.

### Икос 9

Ветия многовещанныя, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же таинству дивящися, верно вопием: Радуйся, премудрости Божия приятелище; радуйся, промышления Его сокровище. Радуйся, любомудрыя немудрыя являющая; радуйся, хитрословесныя безсловесныя обличающая. Радуйся, яко обуша лютии взыскателе; радуйся, яко увядоша баснотворцы. Радуйся, афинейская плетения растерзающая; радуйся, рыбарския мрежи ис-

полняющая. Радуйся из глубины неведения извещающая; радуйся, многи в разуме просвещающая. Радуйся, кораблю хотящих спас-  
тися; радуйся пристанище житейских плава-  
ний. Радуйся, Невесто Невестная.

### Кондак 10

Спаси хотя мир, Иже всех Украситель, к  
сему самообетован прииде, и Пастырь сый,  
яко Бог, нас ради явися по нам человек: по-  
добным бо подобное призвав, яко Бог слы-  
шит: Аллилуа.

### Икос 10

Стена еси девам, Богородице Дево, и всем  
к Тебе прибегающим: ибо небесе и земли Тво-  
рец устрои Тя, Пречистая, вселься во утробе  
Твоей, и вся приглашати Тебе научи: Радуй-  
ся, столпе девства; радуйся, дверь спасения.  
Радуйся, начальнице мысленного наздания;  
радуйся, подательнице Божественныя благодати.  
Радуйся, Ты бо обновила еси зачатая студно;  
радуйся, Ты бо наказала еси окраденныя умом.  
Радуйся, тлителя смыслов упражняющая;  
радуйся, Сеятеля чистоты рождающая. Радуйся,  
чертоже безсеменнаго увещания; радуйся,  
верных Господеви сочетававшая. Радуйся, доб-  
рая младопитательнице девам; радуйся, невесто-  
красительнице душ святых. Радуйся, Не-  
весто Невестная.

## Кондак 11

Пение всякое побеждается, спростретися тщащееся ко множеству многих щедрот Твоих: равночисленные бо песка песни аще приносим Ти, Царю Святой, ничтоже совершаем достойно, яже дал еси нам, Тебе вопиющим: Аллилуиа.

## Икос 11

Светопримную свещу, сущим во тьме являющуюся, зрим Святую Деву, невещественный бо вжигающий огонь, наставляет к разуму Божественному, вся, зарею, ум просвещающая, званием же почитаемая, сими: Радуйся луче умного Солнца, радуйся, светило незаходямаго Света. Радуйся, молние, души просвещающая; радуйся, яко гром враги устрашающая. Радуйся, яко многосветлое возсияваеши просвещение; радуйся, яко многотекущую источаеши реку. Радуйся, купели живописующая образ; радуйся, греховную отъемлющая скверну. Радуйся, бане, омывающая совесть; радуйся, чаше, черпающая радость. Радуйся, обоняние Христова благоухания; радуйся, животе тайнаго веселия. Радуйся, Невесто Невестная.

## Кондак 12

Благодать дати восхотев, долгов древних, всех долгов Решитель человеком, прииде Со-

бою ко отшедшим Того благодати, и раздрав  
рукописание, слышит от всех сице: Аллилуиа.

### Икос 12

Поюще Твое Рождество, хвалим Тя вси,  
яко одушевленный храм, Богородице: во Твоей  
бо вселився утробе содержи вся рукою  
Господь, освяти, прослави и научи вопити  
Тебе всех: Радуйся, селение Бога и Слова;  
радуйся, святая святых большая. Радуйся,  
ковчеже, позлащенный Духом; радуйся, со-  
кровище живота неистощимое. Радуйся, чест-  
ный венче людей благочестивых; радуйся, че-  
стная похвало иереев благоговейных. Радуй-  
ся, Церкви непоколебимый столпе; радуйся,  
Царствия нерушимая стено. Радуйся, Ею же  
воздвигнутся победы; радуйся, Еюже низпа-  
дают врази. Радуйся, тела моего врачевание;  
радуйся, души моя спасение. Радуйся, Не-  
весто Невестная.

### Кондак 13

О, Всепетая Мати, рождающая всех святых  
Святейшее Слово! Нынешнее приемши прино-  
шение, от всякия избави напасти всех, и бу-  
дущия изми муки, о Тебе вопиющих: Аллилу-  
иа.

Этот кондак читается трижды, затем 1-й  
икос: Ангел предстатель... и 1-й кондак:  
Взбранной Воеводе...



## Молитвы

О, Пресвятая Госпоже Владычице Богородице, вышши еси всех Ангел и Архангел, и вся твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормительнице, нагих одеяние, больных исцеление, грешных спасение, христиан всех поможение и заступление.

О, Всемиловитая Госпоже, Дево Богородице Владычице, милостию Твоею спаси и помилуй святейшия патриархи православныя, преосвященныя митрополиты архиепископы и епископы и весь священнический и инокский чин, и вся православныя христиане ризою Твоею честною защити; и умоли, Госпоже, из Тебе без семене воплотившагося Христа Бога нашего, да препоящет нас силою Своею свыше, на невидимыя и видимыя враги наша. О, Всемиловитая Госпоже Владычице Богородице! Воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплемennых и междуусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианам, и просвети им ум, и очи сердечни, еже ко спасению; и сподоби ны, греш-

няя рабы Твоя, Царствия Сына Твоего, Христа Бога нашего; яко держава Его благословена и препрославлена, со Безначальным Его Отцем, и с Пресвятым, и Благим, и Животворящим Его Духом, ныне и присно, и во веки веков. Аминь.

О, Пресвятая Дево Мати Господа, Царице Небесе и земли! Воими многоболезненному воздыханию души наша, призри с высоты святая Твоя на нас, с верою и любовью поклоняющихся пречистому образу Твоему. Се бо грехми погружаемии и скорбьми обуреваемии, взирая на Твой образ, яко живей Ти сущей с нами, приносим смиренныя моления наша. Не имамы бо ни иныя помощи, ни инаго предстательства, ни утешения, токмо Тебе, о Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводить, подаждь христианскую кончину, и на страшнем суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.





## ПОСЛЕДОВАНИЕ КО СВЯТОМУ ПРИЧАЩЕНИЮ

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный... Трисвятое. Пресвятая Троице... Отче наш... Господи, помилуй (12). Приидите, поклонимся... (трижды).

### Псалом 22

Господь пасет мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюсь зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу против стужающим

мне, умастил еси елеом главу мою, и чаша Твоя упоявающи мя, яко державна. И милость Твоя пожениет мя вся дни живота моего, и еже вселити ми ся в дом Господень, в долготу дний.

### **Псалом 23**

Господия земля, и исполнение ея вселенная и вси живущии на ней. Той на морях основал ю есть, и на реках уготовал ю есть. Кто въздет на гору Господню? Или кто станет на месте святем Его? Неповинен руками и чист сердцем, иже не прият всеу душу свою и не клянется лестию искрениему своему. Сей примет благословение от Господа и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмיתесь врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врага князи ваша, и возмיתесь врата вечная, и внидет Царь славы. Кто есть сей Царь славы? Господь сил, Той есть Царь славы.

### **Псалом 115**

Веровах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеву о всех, яже воздаде ми? Чашу спасения прииму

и имя Господие призову, молитвы моя Господеви воздам пред всеми людьми Его. Честиа пред Господем смерть преподобных Его. О, Господи, аз раб Твой, аз раб Твой и сыи рабыни Твоя; растерзал еси узы моя. Тебе пожру жертву хвалы, и во имя Господие призову. Молитвы моя Господеви воздам пред всеми людьми Его, во дворех дому Господня, посреде тебе, Иерусалиме.

Слава, и ныне: Аллилуиа (трижды). И три поклоиа.

### Тропари, глас 8-й

Беззакония моя презри, Господи, от Девы рождейся, и сердце мое очисти, храм то твоя пречистому Твоему Телу и Крови, ниже отрини мене от Твоего лица, без числа имеяй велию милость.

Слава: Во причастие святыиъ Твоих како дерзну (вниду), недостойный? Аще бо дерзну к Тебе приступити с достойными, хитон мя обличает, яко несть вечерний, и осуждение исходатайствую многогрешной души моею. Очисти, Господи, скверну души моея, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Единая благословенная.

## Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо в беззакониих зачат есмь и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечистивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи,

благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на алтарь Твой тельцы.

## Канон, глас 2-й

### Песнь 1

Грядите, людие, поим песнь Христу Богу, раздельшему море, и наставльшему люди, яже изведе из работы египетския, яко прославися.

Припев: Сердце чисто созижди во мне, Боже, и дух прав обнови во утробе моей.

Хлеб живота вечнующаго да будет ми Тело Твое Святое, благоутробе Господи, и Честная Кровь, и недруг многообразных исцеление.

Припев: Не отвержи мене от лица Твоего, и Духа Твоего Святаго не отыми от мене.

Осквернен делы безместными окаянный, Твоего Пречистаго Тела и Божественныя Крове недостойн есмь, Христе, причащения, егоже мя сподоби.

Припев: Пресвятая Богородице, спаси нас.

Богородичен: Земле благая, благословенная Богоневесто, клас прозябшая неоранный и спасительный миру, сподоби мя сей ядуща спастися.

### Песнь 3

На камени мя веры утвердив, расширил еси уста моя на враги моя. Возвесели бо ся

дух мой, вегда пети: несть свят, якоже Бог наш, и несть праведен паче Тебе, Господи.

Слезныя ми подаждь, Христе, капли, скверну сердца моего очищающия: яко да благою совестию очищен, верою прихожду и страхом, Владыко, ко причащению Божественных даров Твоих.

Во оставление да будет ми прегрешений Пречистое Тело твое, и Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

Богородичен: Хлеба животнаго Трапеза Пресвятая, свыше милости ради сшедшаго, и миру новыи живот дающаго, и мене ныне сподоби недостойнаго, со страхом вкусити сего, и живу быти.

## Песнь 4

Пришел еси от Девы, не ходатай, ни Ангел, но Сам, Господи, воплощся, и спасл еси всего мя человека. Тем зовут Ти: слава силе Твоей, Господи.

Восхотел еси, нас ради воплощся, Многомилостиве, заклан быти яко овча, грех ради человеческих: темже молю Тя, и моя очисти согрешения.

Исцели души моя язвы, Господи, и всего освяти: и сподоби, Владыко, яко да причащуся тайныя Твоя Божественныя вечера



окаянный.

Богородичен: Умилостиви и мне Сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

## Песнь 5

Света подателю и веков Творче, Господи, во свете Твоих повелений настави нас; разве бо Тебе иного бога не знаем.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.

Слове Божий и Боже, уголь Тела Твоего да будет мне помраченному в просвещение и очищение оскверненной души моей Кровь Твоя.

Богородичен: Марие, Мати Божия, благоухания честное селение, Твоими молитвами сосуд мя избранный соделай, яко да освященный причащуся Сына Твоего.

## Песнь 6

В бездне греховней валяясь, неизследную милосердия Твоего призываю бездну: от тли, Боже, мя возведи.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Да бых устранился от страстей, и Твоея

благодати имел бы приложение, живота же утверждение, причащением Святых, Христе, Таин Твоих.

Богородичен: Божие, Боже, Слово Святое, всего мя освяти, ныне приходящаго к Божественным Твоим Тайнам, Святыя Матере Твояе мольбами.

### Кондак, глас 2-й

Хлеб, Христе, взяти не призри мя, Тело Твое, и Божественную Твою ныне Кровь, пречистых, Владыко, и страшных Твоих Таин причастится окаяннаго, да не будет ми в суд, да будет же ми в живот вечный и бессмертный.

### Песнь 7

Телу златому премудрыя дети не послужиша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Источник благих, причащение, Христе, бессмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, едине Блаже, яко да славлю Тя.

Да избавлюся от страстей, и врагов, и нужды, и всякия скорби, трепетом и любовию со благоговением, Человеколюбче, приступая

ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

Богородичен: Спаса Христа рождающая па-че ума, Богоблагодатная, молю Тя ныне, раб Твой, Чистую нечистый: хотящаго мя ныне к причистым Тайнам приступити, очисти всего от скверны плоти и духа.

## Песнь 8

В пещь огненную ко отроком еврейским снисшедшаго, и пламень в росу преложаго Бога, пойте дела яко Господа, и превозносите во вся веки.

Небесных, и страшных, и святых Твоих, Христе, ныне Таин, и Божественных Твоя и тайныя вечери общника быти и мене сподоби отчаяннаго, Боже Спасе мой.

Под Твое прибежище благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пью Кровь Твою.

**Припев:** Пресвятая Троице, Боже наш, слава Тебе.

**Троицен:** Трепещу, приемля огонь, да не опалюся яко воск и яко трава; оле страшнаго таинства! оле благоутробия Божия! Како Божественнаго Тела и Крове брание причащаюся и нетрениен сотворяюся?

## Песнь 9

Безначальна Родителя Сын, Бог и Господь, воплощься от Девы нам явися, омраченная просветити, собрати расточенная: тем всепетую Богородицу величаем.

Христос есть, вкусите и видите: Господь нас ради, по нам бо древле бывый, единою Себе принес, яко приношение Отцу Своему, присно закалается, освящаяй причащающихся.

Душею и телом освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодателю Многомилостиве.

Якоже огонь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, поклонятися Божеству Твоему.

Богородичен: Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть... Трисвятое. Пресвятая Троице... Отче наш... Тропарь дня, или праздника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй (40). И поклоны, сколько хочешь.

И стихи:

Хотя ястѣ, человече, Тело Владычне,  
Страхом приступи, да не опалишия: огонь  
бо есть.

Божественную же пия Кровь ко общению,  
Первее примирися тя опечалившим.  
Таже дерзая, таинственное брашно яждь.  
Прежде причастия страшныя жертвы,  
Животворящаго Тела Владычня,  
Сим помолися образом со трепетом:





## МОЛИТВА ВАСИЛИЯ ВЕЛИКОГО

Владыко Господи Иисусе Христе, Боже наш, источниче жизни и безсмертия, всея твари видимыя и невидимыя Содетелю, безначальнаго Отца соприсносуший Сыне и собезначальный, премногия ради благодсти в последния дни в плоть оболкийся, и распныйся, и погребыйся за ны неблагодарныя и злоиравныя, и Твоею кровию обновивый растлевшее грехом естество наше. Сам, Безсмертный Царю, прими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмь достоин воззрети на высоту славы Твоея: прогневах бо Твою благодсть, Твоя заведи преступив, и не послушав Твоих повелений. Но ты, Господи, незлобив, сый, долготерпелив же и многомилостив, не предад еси мя погибнути со беззаконьими моими, моего всячески ожидая обращения.

Ты бо рекл еси, Человеколюбче, пророком Твоим: яко хотением не хошу смерти грешника, но еже обратится и живу быти ему. Не хощещи бо, Владыко, создания Твоею руку погубити, ниже благоволиши о погибели человеchestей, но хощещи всем спастися, и в разум истины прийти. Темже и аз, аще и недостойн есмь небесе и земли, и сея привременныя жизни, всего себе повинув греху, и слаstem поработив, и Твой осквернив образ; но творение и создание Твое быв, не отчаиваю своего спасения окаянный, на Твое же безмерное благоутробие дерзая, прихожду, Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возми мое тяжкое бремя грехов, грех вземляй мира, и немощи человеческия исцеляяй, труждающихся и обремененных к Себе призываяй и упокоеваяй, не пришедый призвати праведных, но грешных на покаяние. И очисти мя от всякия скверны плоти и духа, и научи мя совершати святыню во страсе Твоем: яко да чистым сведением совести моя, святынь Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей, Господи, Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащаться, но даждь ми, даже, до конечнаго моего издыхания, не-

осужденно восприимати часть святынь Твоих, в Духе Святаго общение, в напутие живота вечнаго, и во благоприятен ответ на страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.



### МОЛИТВА СЯГО ЮАНА ЗЛАТУСТАГО

Господи Боже мой, вем, яко несмь достоин, ниже доволен, да под кров внидеси храма души моя, занеже весь пуст и пался есть, и не имаши во мне места достойна еже главу подклонити; но якоже с высоты нас ради смирил еси Себе, смирися и ныне смирению моему; и якоже восприял еси в вертепе и в яслех безсловесных возлещи, сице восприими и в яслех безсловесныя моя души, и во оскверненное мое тело внити. И якоже не неудостоил еси внити, и свечеряти со грешники в дому Симона прокаженнаго, тако изволи внити и в дом смиренныя моя души, прокаженныя и грешныя; и якоже не отринул еси подобную мне блудницу и грешную. Пришед-



шую и прикоснувшуюся Тебе, сице умилосер-  
дися и о мне грешнем, приходящем и прика-  
сающем Ти ся; и якоже не возгнушался еси  
скверных ея уст и нечистых, целующих Тя,  
ниже моих возгнушайся скверниших оныя уст  
и нечистших, ниже, мерзких моих и нечистых  
устей, и сквернаго и нечистейшаго моего язы-  
ка. Но да будет ми уголь пресвятаго Твоего  
Тела, и ческия Твоя Крове, во освящение  
и просвещение и здравие смиренней моей ду-  
ши и телу, во облегчение тяжестей многих  
моих согрешений, в соблюдение от всякаго  
диавольскаго действия, во отгнание и возбра-  
нение злаго моего и лукаваго обычая, во  
умерщвление страстей, в сиабдение заповедей  
Твоих, в приложение Божественныя Твоя  
благодати, и Твоего Царствия присвоение. Не  
бо яко презираяй прихожду к Тебе, Христе  
Боже, но яко дерзая на неизреченную Твою  
благодать, и да не на мнозе удаляйся общения  
Твоего, от мысленнаго волка звероуловлен  
буду. Темже молюся Тебе: яко единый Свят,  
Владыко, освяти мою душу и тело, ум и  
сердце, чревеса и утробы, и всего мя обнови,  
и вкорени страх Твой во удесах моих, и освя-  
щение Твое неотъемлемо от мене сотвори; и  
буди ми помощник и заступник, окормляя в  
мире живот мой, сподобляя мя и одесию  
Тебе предстояния со святыми Твоими, молит-  
вами и молениями Пречистыя Твоя Матере,  
невещественных Твоих служителей и пречис-

тых сил, и всех святых, от века Тебе благо-  
угодивших. Аминь.

## МОЛИТВА СИМЕОНА МЕТАФРАСТА

Едине чистый и нетленный Господи, за неизреченную милость человеколюбия наше всевосприемый смешение, от чистых и девственных кровей паче естества Рождшия Тя, Духа Божественного нашествием, и благоволением Отца присносущного, Христе Иисусе, премудросте Божия и мире, и сило; Твоим восприятием животворящая и спасительная страдания восприемый, крест, гвоздия, копие, смерть, умертви моя душетленные страсти телесныя. Погребением Твоим адова пленивый царствия, погреби моя благими помыслы лукавая советования, и лукавствия духи разори. Тридневым Твоим и живоносным воскресением падшаго праотца возставивый, возстави мя грехом поползшагося, образы мне покаяния предлагая. Преславным Твоим вознесением плотское обоживый восприятие, и сие десным Отца седением почтый, сподобия мя причастием святых Твоих Таин десную часть спасаемых получить. Снятие Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки приити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безна-

чальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

### **МОЛИТВА СВЯТОГО ИОАННА ДАМАСКИНА**

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущего живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.



### **МОЛИТВА СВ. ВАСИЛИЯ ВЕЛИКАГО**

Вем, Господи, яко недостойне причащаюся пречистаго Твоего Тела и честная Твоя Крове, и повинен есмь, и суд себе ям и пию, не

разсуждая Тела и Крове Тебе Христа и Бога моего, но на щедроты Твоя дерзая прихожу к Тебе рекшему: ядый Мою плоть, и пияй Мою кровь, во Мне пребывает, и Аз в нем. Умилился убо, Господи, и не обличи мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действия диавольскаго, мысленне во удесех моих действуемаго, в дерзновение и любовь, яже к Тебе; во исправление жития и утверждение, в возвращение добродетели и совершенства; во исполнение заповедей, в Духа Святаго общение, в напутие живота вечнаго, во ответ благоприятен на страшнем судищи Твоем: не в суд или во осуждение.



### **МОЛИТВА СВ. ИОАННА ЗЛАТОУСТАГО**

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умных Твоих служите-

лей и святых сил, и всех святых, от века Тебе благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

### Его же

Господи Иисусе Христе, Боже мой, ослаби, остави, очисти и прости ми грешному, и непотребному, и недостойному рабу Твоему прегрешения, и согрешения, и грехопадения моя, елика Ти от юности моя, даже до настоящего дне и часа согреших: аще в разуме и в неразумии, аще в словесех или делех, или помышлениях и мыслех, и начинаниях, и всех моих чувствах. И молитвами безсменно рождающа Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститься пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и нощных мечтаний, темных и лукавых духов: яко Твое есть царство, и сила,

и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.



## МОЛИТВА СВ. ИОАННА ДАМАСКИНА

Пред дверьми храма Твоего предстою, и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего, и прими мя приходяща и прикасающуюся Тебе, яко блудницу, кровоточивую: ова убо края ризы Твоя коснувшись, удобь исцеление приять, ова же пречистей Твои нозе удержавши, разрешение грехов понесе. Аз же, окаянный, все Твое Тело дерзая восприять, да не опален буду; но прими мя, якоже онья, и просвети моя душевныя чувства, попаляя моя греховныя вины, молитвами безсеменно Рождшия Тя, и небесных сил; яко благословен еси во веки веков. Аминь.

## МОЛИТВА СВ. ИОАННА ЗЛАТОУСТОГО

Верую, Господи, и исповедую, яко Ты еси воистину Христос, Сын Бога живаго, пришедший в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов, и в жизнь вечную. Аминь.

Вечери Твоя тайная днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святой Твоих Таин, Господи, но во исцеление души и тела. Аминь.

Желающий причаститься должен достойно причащение Святой Твоих Таин, Господи, но Приготовление это (в церковной практике оно называется говением) продолжается несколько дней и касается как телесной, так и духовной жизни человека. Телу предписывается воздержание, т. е. телесная чистота и ограничение в пище (пост). В дни поста исключается пища животного происхождения — мясо, молоко, яйца, и при строгом посте, рыба. Хлеб, овощи, фрукты употреб-

ляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и все последование ко Святому Причащению.

Перед причащением необходима исповедь — вечером ли, или утром, перед литургией.



## МОЛИТВЫ ПО СВЯТОМ ПРИЧАЩЕНИИ

Слава Тебе, Боже (трижды).

Благодарю Тя, Господи Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго причаститися пречистых Твоих и небесных Даров сподобил еси. Но, Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благо-



деяние и освящение душ и телес наших, даждь быти сим и мне во исцеление души же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоея благодати, и Твоего Царствия присвоение; да во святыни Твоей теми сохраняемъ, Твою благодать поминаю всегда, и не к тому себе живу, но Тебе, нашему Владыце и Благодетелю; и тако сего жития исшед о надежди живота вечнаго, в присносущный достигну покой, идеже празднующих глас непрестанный, и бесконечная сладость зрящих Твоего Лица доброту неизреченную. Ты бо еси истинное желание, и неизреченное веселие любящих Тя, Христе Боже наш и Тя поет вся тварь во веки. Аминь.



## МОЛИТВА СВ. ВАСИЛИЯ ВЕЛИКОГО

Владыко Христе Боже, Царю веков и Содетелю всех, благодарю Тя о всех, яже ми еси подал, благих, и о причащении пречистых

и животворящих Твоих таинств. Молю убо Тя, Блаже и человеколюбче: сохрани мя под кровом Твоим и в сени крилу Твоею, и даруй ми чистою совестию, даже до последнего моего издыхания, достойно причащаться святынь Твоих во оставление грехов и в жизнь вечную. Ты бо еси хлеб животный, источник святыни, Податель благих: и Тебе славу воссылаем, со Отцем и Святым Духом, ныне и присно, и во веки веков. Аминь.

## МОЛИТВА МЕТАФРАСТА

Давый пищу мне плоть Твою волею, огонь сый, и опаляяй недостойныя, да не опалиши мене. Содетелю мой: паче же пройди во уды моя, во вся составы, во утробу, в сердце. Попали терние всех моих прегрешений: душу очисти, освяти помышления; составы утверди с костью вкупе; чувств просвети простую пятерницу; всего мя спроводи страху Твоему. Присно покрый, соблюди же и сохрани мя от всякаго дела и слова душещелкаго. Очисти, и омой, и украси мя; удобри, вразуми и просвети мя. Покажи мне Твое селение единого Духа, и не к тому селению греха: да яко Твоего дому, входом причащения, яко огня мене бежит всяк злодей, всяка страсть. Молитвенники Тебе приношу вся святая, чиноначалия же бесплотных, Предтечу Твоего, премудрых апостолы, к сим же Твою нескверную чистую

Матерь, ихже мольбы благоутробне, приими, Христе мой, и сыном света соделай Твоего служителя. Ты бо еси освящение и единый наших, Блаже, душ и светлость, и Тебе лепоподобно, яко Богу и Владыце, славу вси воссылаем на всяк день.

## **МОЛИТВА ИНАЯ**

Тело Твое святое, Господи Иисусе Христе Боже наш, да будет ми в живот вечный, и Кровь Твоя честная во оставление грехов; буди же ми благодарение сие в радость, здравие и веселие. В страшное же и второе пришествие Твое сподоби мя грешного стати одесную славы Твоея, молитвами Пречистыя Твоея Матере и всех святых.

## **МОЛИТВА КО ПРЕСВЯТОЙ БОГОРОДИЦЕ**


Пресвятая Владычице Богородице, свете помраченныя моя души, надеждо, покрове, прибежище, утешение, радование мое: благодарю Тя, яко сподобила мя еси недостойнаго, причастника быти пречистаго Тела и честныя Крове Сына Твоего. Но рождающая истинный свет, просвети моя умныя очи сердца. Яже Источник бессмертия рождающая, оживотвори мя умерщвленнаго грехом. Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслях моих, и воззвание

в пленениях помышлений моих; и сподоби мя, до последнего издыхания, неосужденно приимати пречистых Таин освящение, во исцеление души же и тела; и подаждь ми слезы покаяния и исповедания, во еже пети и славить Тя во вся дни живота моего, яко благословенна и препрославленна еси во веки. Аминь.

Ныне отпускаеши... Святый Боже... (трижды). Слава и ныне... Пресвятая Троице.... Господи, помилуй (трижды)... Слава и ныне... Отче наш...

Тропарь и кондак тому святому, чья совершалась литургия.





Т. Миге  
в намест от  
Септем. 15.08.92г.



## МОЛИТВА ГОСПОДНЯ

Отецъ нашъ небесный!

- 1) Да святится имя твое.
  - 2) Да придетъ царство Твое.
  - 3) Да будетъ воля твоя и на землѣ, какъ и на небе.
  - 4) Хлебъ нашъ наизушный дай намъ на сей день.
  - 5) И прости намъ грѣхи наши, какъ и мы прощаемъ согрешившихъ противъ насъ.
  - 6) И не допусти до соблазна.
  - 7) Но избавь насъ отъ лукавого.
- Потому, что Тебе принадлежатъ царство, сила и Слава Отцу и

Сыну и Святому Духу вовеки  
веков. Аминь.





























